



CONCELLO DE PONTECESO
 Rúa Concello, 18
 15110 Ponteceso (A Coruña)

ACTA DA SESIÓN ORDINARIA DA XUNTA DE GOBERNO LOCAL CELEBRADA O DÍA 7 DE OUTUBRO DE 2019.

No salón de Plenos da Casa do Concello de Ponteceso (A Coruña) ás 13 horas do día 7 de outubro de 2019, baixo a Presidencia do Sr. Alcalde, D. Xosé Lois García Carballido, reúnese, en primeira convocatoria, a Xunta de Goberno Local co obxecto de celebrar a sesión ordinaria convocada en legal forma para o día da data.

ASISTENTES:

SR. ALCALDE-PRESIDENTE

D. XOSÉ LOIS GARCÍA CARBALLIDO

SRES.CONCELLEIROS/AS PRESENTES.-

D. MIGUEL ANGEL GONZÁLEZ GÓMEZ

D^a. RAQUEL FONDO PÉREZ

D. FAUSTINO SANTIAGO LEMA

D^a. NOELIA MARÍA VARELA SUÁREZ

SRES.CONCELLEIROS/AS AUSENTES.-

NINGÚN

SECRETARIO: D. EMILIO CAÍNZOS QUINTÁS

INTERVENTORA: D^a. LUCÍA MATA RODRÍGUEZ

A presidencia, tras comprobar que se cumpre o quórum legalmente exixido polo artigo 113.1.c) do Real decreto 2568/1986, de 28 de novembro, declara aberta a sesión, e procédese a tratar os asuntos incluídos na orde do día da convocatoria e que se indican a continuación:

1.- APROBACIÓN DE ACTAS ANTERIORES.- Dáse conta da acta pendente de aprobación que se corresponde coa celebrada pola Xunta de Goberno Local na data do **02-09-2019**, ordinaria, que tiveron a súa disposición os señores concelleiros membros desde a convocatoria. O Alcalde pregunta se hai algunha observación á mesma, e ao non haber observacións, apróbase por unanimidade, maioría absoluta.

2. DACIÓN DE CONTA DA PROPOSTA DE ADXUDICACIÓN DA OBRA “ILUMINACIÓN DO CAMPO DE FÚTBOL DO CAIRO EN CORME-PORTO”. Dáse conta do expediente de contratación aprobado pola resolución da alcaldía núm. 386/2019, de 01/07/2019, 2019/C003/000003, relativo á obra “Iluminación do campo de fútbol do Cairo en Corme-Porto” cun valor estimado 155.477,98 euros e 32.650,38 euros de IVE, totalizando a contía de 188.129,00 euros, procedeuse ao procedemento de licitación, e rematado o mesmo coa proposta de adxudicación á empresa GRUPO MARIÑO OBRAS Y SERVICIOS, S.L. cunha oferta de 106.829,32 euros (IVE excluído) e 129.263,48 euros co IVE. e MONTAJES ELÉCTRICOS VIZCAÍNO, S.L., cunha oferta de 98.263,90 euros (IVE excluído). O aforro nesta licitación é de 58.865,52 euros, e tendo en conta que esta obra se financia íntegramente con recursos municipais, considérase que aparte do cumprimento primordial que é o de contar cunha instalación deportiva en perfectas condicións de iluminación o aforro é considerable e nutrirá por medio da súa economía os resultados do Orzamento Municipal de 2019. Neste intre estase á espera da presentación da documentación requirida para a formalización do contrato, asinar a acta de reformulo, aprobar o Plan de Seguridade e Saúde e iniciala para que a súa execución se realice en prazo e dispoñer da importante mellora que supón para a práctica deportiva en Corme. A Xunta de Goberno dáse por enterada.

3. DACIÓN DE CONTA DA LICITACIÓN DA OBRA “PAVIMENTACIÓN DE VIAIS EN NÚCLEOS DE PAZOS E OUTROS (POS + 2019). Dáse conta do expediente de contratación aprobado pola resolución da alcaldía núm. 429/2019, de 22/07/2019, 2019/C003/000004, relativo á obra “Pavimentación de rúas no núcleo de Pazos e outros (POS+2019)”, cun valor estimado 182.947,19 euros e 38.418,91 euros de IVE, totalizando

**CONCELLO DE PONTECESO**Rúa Concello, 18
15110 Ponteceso (A Coruña)

a contía de 221.366,10 euros. Rematado o expediente de contratación coa proposta de adjudicación a prol da empresa BARNACLE polo importe de 141.857,25 euros (IVE excluído), 171.647, 27 euros co IVE. Neste intre estase á espera da presentación da documentación requirida á empresa para a formalización do contrato, asinar a acta de reformulo, aprobar o Plan de Seguridade e Saúde e iniciala para que a súa execución se realice en prazo. O aforro na licitación é de 49.718,83 euros, os cales nutrirán o financiamento doutros plans da Deputación da Coruña. A Xunta de Goberno dáse por enterada.

4. DACIÓN DE CONTA DO ESTADO DE LICITACIÓN DE “SUBMINISTRO DE DOUS VEHÍCULOS HÍBRIDOS 4X4, UN NOVO E OUTRO USADO”.-Dáse conta do expediente de contratación aprobado pola resolución da alcaldía de 12-09-2019 para o “Subministro de dous vehículos híbridos 4x4, un novo e outro usado”, expediente núm. 2019/C005/000002, cun valor estimado de 52.455,37 euros, aos que se deberá repercutir o IVE no caso de vehículo novo e IVE ou ITP no usado, calculado o IVE ao tipo xeral do 21 por cento ascende a contía de 11.015,63, totalizando 63.471,00 euros. O obxecto do contrato é o subministro de dous vehículos híbridos tipo SUV para a función ambiental deste Concello co correspondente equipamento e suporá unha importante mellora para a realización de traballos e servizos relacionados co medioambiente natural. Neste intre rematado o procedemento coa proposta de adjudicación da mesa a favor da empresa Breogán Motor SL no prezo de 49.366,95 euros, aos que se engadirá o IVE de 10.367,05 euros, totalizando 59.734,00 euros, producindo un aforro de 3.737 euros. Neste intre estase á espera da presentación da documentación pola parte da adjudicataria para a formalización do contrato e entrega inmediata dos dous vehículos adjudicados. Financiarase con cargo á ORDE do 17 de decembro de 2018 pola que se regulan os criterios de repartición e se establecen as bases reguladoras e a convocatoria de subvencións da liña en concorrencia non competitiva e da liña en concorrencia competitiva do Fondo de Compensación Ambiental para o ano 2019, de forma individual e mediante o sistema de xestión compartida, destinadas a entidades locais de Galicia. A Xunta de Goberno dáse por enterada.

5. DACIÓN DE CONTA DA ADJUDICACIÓN DO CONTRATO MENOR “INSTALACIÓN DUNHA PISTA DE PADEL EN CORME”.- Este Concello ten asinado un convenio de cooperación coa Secretaría Xeral para o Deporte da Xunta de Galicia para a instalación dunha pista de pádel en Corme, nunha zona deportiva que é unha zona municipal referente en canto a volumen de utilización por parte dos veciños o que mellorará o seu uso pola veciñanza. Para tal fin o enxeñeiro técnico de obras públicas, Manuel Xácome Mariño Valencia, elaborou un proxecto técnico para a súa construción valorado en 36.321,28 €, cantidade que achegará a Secretaría Xeral para o Deporte. Logo da tramitación do expediente de contratación, expte. Núm. 2019/C002/000018, promovido pola Concellería de Turismo, Deporte, Festexos e Dinamización Económica como contrato menor de obra adjudicouse pola resolución da alcaldía de data 24-09-2019 á empresa Narón Servicios de Medioambiente SL no prezo de 36.200,30 euros, e cun prazo de execución dun mes. A obra estará rematada ao longo deste mes de outubro e suporá unha importante mellora na infraestrutura deportiva municipal. A Xunta de Goberno dáse por enterada.

6. DACIÓN DE CONTA DA ADJUDICACIÓN DO CONTRATO MENOR “INSTALACIÓN DUNHA PISTA DE CALISTENIA EN CORME”.- Pola Concellería de Turismo, Deporte, Festexos e Dinamización Económica promoveuse o contrato menor “Instalación dunha pista de Calistenia en Corme”, o Concello ten asinado un convenio de cooperación coa Secretaría Xeral para o Deporte da Xunta de Galicia para a instalación dunha pista de calistenia en Corme, nunha zona deportiva que é unha zona municipal referente en canto a volume de utilización por parte dos veciños o que mellorará o seu uso pola veciñanza. Para tal fin o enxeñeiro técnico de obras públicas, Manuel Xácome Mariño Valencia, elaborou un proxecto técnico para a súa construción valorado en 11.933,48 €, cantidade que achegará a Secretaría Xeral para o Deporte. Tramitado o expediente núm. 2019/C002/000019, adjudicouse pola resolución do 24-09-2019, número 550/2019, á empresa Contorna Técnicas Construtivas SL no prezo de 11.812,50 euros, IVE incluído, o prazo de execución será de un mes, e cóntase que a obra poida rematarse dentro do mes de outubro, e xunto coa pista de pádel suporá outra mellora nas infraestruturas deportivas municipais ao servizo dos veciños. A Xunta de Goberno dáse por enterada.

7. INFORMACIÓN DO ESTADO DA EMERXENCIA PROVOCADA POLO SUBMINISTRO DE AUGA EN CORME. SITUACIÓN DE ALERTA EPIDEMIOLÓXICA.

**CONCELLO DE PONTECESO**Rúa Concello, 18
15110 Ponteceso (A Coruña)**1. ANTECEDENTES.**

O Concello de Ponteceso ten coñecemento dos brotes de gastroenterite en Corme-Porto ás 11 horas da mañá do luns 23 de setembro de 2019 por medio de comunicacións dos propios veciños.

Perante este problema a primeira medida da Alcaldía é comprobar que non hai ningún aviso nin comunicación por parte da Xunta, e deseguido chama á Consellería de Sanidade da Xunta de Galicia, e unha hora máis tarde o Xefe do Servizo de Riscos Ambientais chama ao concello e aconsella ao Alcalde advertir á veciñanza que non se consuma a auga do abastecemento en Corme, debido á alerta epidemiolóxica emitida pola Xunta de Galicia. O Concello tivo comunicación oficial da alerta sanitaria o luns día 23 de setembro por medio da comunicación emitida pola Xefatura Territorial de Sanidade de A Coruña, polos abundantes casos clínicos de gastroenterite nas urxencias médicas.

Coa prioridade absoluta de protexer a poboación, o Alcalde ordea a Protección Civil e Policía Local advertir á poboación de Corme Porto que non beba auga da traída, e para garantir o consumo de auga, encarga 25 palés de 142 garrafas de 5 litros de auga, e pónse en contacto coa concesionaria do servizo, Espina y Delfín S.L. e solicítalles que garantan a salubridade da auga da traída antes do mércores 25 de setembro ás 9 horas, e que remita os resultados das últimas analíticas realizadas. Ás 17 horas do luns, 23 de setembro, comeza o reparto de auga por todos os domicilios de Corme Porto, poñendo todos os medios humanos con que conta o concello, tanto para distribución de auga, como de apoio aos veciños.

Os días 24, 25 e 26 de setembro a concesionaria realiza varias actuacións na rede municipal co gallo de dar coa orixe do problema sanitario. O día 27, despois dos alarmantes resultados das analíticas da Xunta, a concesionaria despraza a Corme a varios equipos humanos e medios técnicos con cámaras robotizadas. O persoal técnico da concesionaria traballa venres, sábado e domingo, e levan a cabo novas actuacións, despois das recollidas de mostras para a súa análise e á vista dos seus resultados, para poder atallar o antes posible o problema sanitario. O concello desde o primeiro momento puxo a dispor dos veciños todos os medios técnicos e humanos para tratar de paliar e solucionar o problema sanitario, e así por medio do laboratorio Uriker desde o día 23 de setembro, día que como se dicía con anterioridade tivo o primeiro coñecemento do brote, leváronse a cabo as tomas para as analíticas, independentes das que estaba a realizar a Consellería de Sanidade e a empresa adxudicataria. Esta mesma empresa, Uriker, xa fixera traballos na época estival, axudandonos a suprimir focos de contaminación na auga de baño en Corme e estivo diariamente en Ponteceso durante toda a crise e segue a traballar, xa que terá que entregar un informe final o día 8 de outubro de 2019 coas conclusións finais.

As analíticas realizadas teñen un tempo de tratamento de alomenos 4 días para poder dar a coñecer os resultados, así ata o día 27 non se remiten pola Consellería de Sanidade as analíticas realizadas durante a primeira semana, e á vista das mesmas a alcaldía procede a transmitir a recomendación de non usar a auga tanto para a inxesta como para a manipulación de alimentos. As realizadas durante a semana do 30 de setembro non se coñeceron ata o venres día 4 de outubro e cos resultados das mesmas a Consellería remata a alerta epidemiolóxica e polo tanto da recomendación de non usar a auga da rede de abastecemento en Corme.

No caso da adxudicataria Espina y Delfín SL, nos encontramos hai catro anos cun contrato vencido, se ben a situación económica e administrativa do concello levaba ao goberno á paralise, cunha situación económica de asfisia, cunha ausencia total de contratos e de gastos executados sen procedemento e sen sustento orzamentario, e isto marcou os primeiros dous anos do goberno tripartito. A área de Obras e Infraestruturas estaba delegada ao concelleiro de APIN, o cal levaba entre outros a xestión da licitación do ciclo integral da auga e do alumeadado público. Cando xa se dispoñía dos pregos correspondentes para a licitación entrou en vigor a nova lei de contratos, a Lei 9/2017, o que obrigaba a adaptar os pregos existentes á nova normativa. A empresa elexida polo concelleiro de APIN, Alteiro Ingeniería, de León, a cal percibiu 18.000 euros polo traballo previo, era a que tiña que sacar adiante os mesmos. O 1 de febreiro de 2018 iniciouse pola providencia da alcaldía o expediente de contratación, sendo necesario como paso previo dirixirse ás empresas, como operadores económicos, para establecer a estrutura de custos do servizo, e posteriormente solicitar á Consellería de Facenda o informe da estrutura de custos

**CONCELLO DE PONTECESO**Rúa Concello, 18
15110 Ponteceso (A Coruña)

do contrato do servizo municipal do ciclo da auga de Ponteceso, o cal foi emitido na data de 12 de febreiro de 2019. Pois ben, nese intre polo concelleiro delegado de Obras e Infraestruturas considerouse máis urxente o levar a cabo a licitación do servizo de alumeados, o cal foi paralizado pola resolución do Tribunal da Xunta de Galicia, TACGAL, causando sorpresa cando meses despois APIN presentaba no seu programa electoral a municipalización do servizo integral da auga e saneamento, cando xa se levaban gastados 18.000 euros e iniciados os trámites para o inicio da licitación.

Isto non supón que o actual goberno local de Ponteceso teña olvidado este tema, senón o contrario, a problemática da alerta epidemiolóxica de Corme vai acelerar o proceso, e así o Goberno Local manifesta o compromiso de ter iniciado o procedemento de licitación en seis meses.

2. TRANSPARENCIA INFORMATIVA.

O concello levou a cabo unha política de transparencia publicando na web municipal canto informe, escrito de sanidade e demais documentos como analíticas da concesionaria, tiña ao seu dispor.

O mércores 25 a concesionaria enviou unhas analíticas que parecían favorables, o Concello, ao igual que as anteriores, publicounas tamén na web, en aras da transparencia. Nembargantes, posteriormente as analíticas da Xunta dan resultados moi alarmantes en varios puntos, e o concello volve a publicalas e anunciar novamente que non se consuma a auga da traída, e continúa co reparto de auga a tódolos veciños de Corme, así o xoves 26 de setembro chegaron outros 7 palés con 142 garrafas de 5 litros de auga, e repetiuse o reparto, á espera dos resultados de Sanidade, e así continuos eco reparto de auga, e o venres 27 de setembro recibíronse outros 15 palés de auga para garantir o consumo de auga á poboación, así ata o final da alerta. E todas e cada unha das novas, analíticas, comunicación da propia Consellería, etc, publicáronse na web ata o levantamento da alerta o día 4 de outubro. O Goberno estivo sempre a pé de rúa en Corme e no Concello co obxectivo de prestar o seu apoio, coordinar e acelerar os traballos que permitiran restablecer o subministro de auga en óptimas condicións.

3. CAUSAS DA ORIXE DA CONTAMINACIÓN DA REDE DE ABASTECIMENTO DE AUGA

O día 30 de setembro a concesionaria Espina y Delfín S.L. emite un informe no que se conclúe a localización da orixe da contaminación da rede de abastecemento de auga, sita no tanque de tormentas de Corme-Porto, reservorio construído para almacenar a auga residual xerada polas vivendas, ademais das augas pluviais, para o seu posterior envío mediante bombas sumerxibles á EDAR de Corme para súa depuración. No seu informe determínase a existencia dunha tubería de impulsión do bombeo de augas residuais, que xestiona outra empresa allea á concesionaria, a cal manifesta que empregan a auga do abastecemento para a limpeza da instalación e para o desatasque e limpeza da tubería do saneamento, por medio da impulsión da auga residual por medio dunha máquina de alta presión. Constátase a ausencia da obrigatoria válvula de seguridade que impida o retorno de auga residual e a súa masiva incorporación á rede de abastecemento nos supostos da diminución da presión no sistema da rede de abastecemento. No último mes tiveron lugar dúas roturas na rede de subministro de auga en Corme, e así ao diminuír a presión ocasionada polo corte do servizo durante a reparación a baixada de presión propiciou a entrada de augas do tanque de tormentas na rede ocasionando a contaminación da súa auga e isto foi o causante do problema e alerta sanitaria.

A concesionaria propón unha serie de medidas correctoras, as cales se consensúan co concello, e que consisten na inmediata desconexión da acometida á rede de abastecemento e corte do subministro de auga da rede de abastecemento á referida instalación. Por outra banda o concello require á empresa responsable do mantemento da estación de bombeo e do tanque de tormentas para que proceda á urxente eliminación e á retirada dos accesorios instalados na tubería de impulsión das augas residuais da EDAR de Corme. A concesionaria procede á limpeza química da rede en Corme para eliminar calquera rastro que puidera quedar de contaminación.

O día 1 de outubro o técnico municipal emite un informe no que comparte a conclusión de Espina y Delfín, S.L. A situación de emerxencia sanitaria produciuse en Corme despois da rotura en tres días diferentes nunha semana, da tubería xeral que ten 51 anos e está construída en fibrocemento, polo que é unha prioridade a reposición do abastecemento, saneamento, pluviais e canalizacións vellas nalgúns



CONCELLO DE PONTECESO

Rúa Concello, 18
15110 Ponteceso (A Coruña)

tramos, ata a eliminación total do fibrocemento en Corme Porto, rematando coas roturas. Isto aconsella mobilizar de forma urxente a súa reposición.

4. MEDIDAS A ADOPTAR POLO CONCELLO

O mércores 25 de setembro, despois da reunión entre Alcaldía, Tenente de alcalde concelleiro de obras, secretario e interventora, o Concello chama á empresa auditora Applus para que faga un informe sobre as posibles causas da contaminación e recomendacións para atallar o problema. Tamén ese mesmo día o Concello chama ao estudio técnico especializado Ogpo para que emita unha memoria valorada de actuacións urxentes, acelere a adaptación dos pregos do ciclo da auga á lei actual, e faga unha memoria valorada de todas as obras que consideren preciso realizar na rede de abastecemento.

Polo tanto as medidas urxentes a adoptar serán as seguintes:

Primeira.- Cando se reciba tanto a auditoría da rede, encargada a APPLUS, como a memoria valorada das obras a realizar pola empresa OGPO, tomaranse as decisións oportunas para proceder de xeito inmediato, por medio dun contrato de emerxencia, a realizar as que se consideren urxentes e imprescindibles para garantir o bó funcionamento da rede.

Segunda.- Por outra banda hai que salientar que debido á antigüidade da rede, nalgúns tramos con máis de cincuenta anos, será preciso levar a cabo un completo plan de renovación de mellora da rede, a cal se está estudando delegar na Deputación da Coruña por medio da encomenda de xestión, a cal se ofreceu por medio do seu presidente para prestar a axuda técnica e económica necesaria para axudar a toda a poboación afectada de Corme.

A situación de emerxencia sanitaria produciuse en Corme despois da rotura en tres días diferentes nunha semana, da tubería xeral que ten 51 anos e está construída en fibrocemento, polo que é unha prioridade a reposición do abastecemento, saneamento, pluviais nalgúns tramos, ata a eliminación total do fibrocemento en Corme Porto, rematando coas roturas. Isto aconsella acometer de inmediato a súa reposición.

Os posibles tramos de fibrocemento a renovar, pendente da recepción dun plano actualizado por parte da concesionaria, serían:

Corme _____ Porto.

1. Tobería xeral de abastecemento de Corme Porto, desde o depósito das Forcadas á estrada AC-424, preto da marquesiña. Na actualidade a tobería discorre por unha finca privada. Debe acometerse unha nova canalización pola estrada local e autonómica, co permiso da titular da vía, a Xunta de Galicia.
2. Zona da Arnela, ramificacións a Vila de García e rúa Río de Arriba.
3. Desde a Arnela ata a Fonte do Campo, por ambas marxes da estrada autonómica AC-424 / Rúa Real, co permiso da titular da vía.
4. Barrios antigos do centro de Corme, nas rúas que aínda non foron renovadas, no contorno da Fontiña e das rúas Sol e Pondal.
5. Zona do Carral.
6. Tramo desde a Ribeira ata a Confraría e o porto de Corme.
7. O Caramanchón.



CONCELLO DE PONTECESO
 Rúa Concello, 18
 15110 Ponteceso (A Coruña)

8. A travesía da Agra.
9. Da Praza da Constitución á Rúa Nova.
10. De arriba da Praza de España, á Paxariña, e á rúa Santander.
11. Un tramo do Voluntariado á Rúa Nova.

De todos estes tramos son prioritarios os de acceso xeral á rede en Corme. Tamén é prioritario mellorar a alerta por contaminación do manantial, un sistema automático de peche da alimentación do depósito, renovar os filtros e outras actuacións menores.

Ponteceso e O Couto

Por precaución, e sendo obxecto tamén de roturas, para evitar a mesma situación en Ponteceso e O Couto, aconséllase dentro da encomenda de xestión tamén o mesmo traballo nos seguintes puntos:

1. Zona alta do campo da Feira.
2. Antonio Longa.
3. Tramos da Rúa Concello.
4. O Couto, tramos que non foron renovados no Campo e no Quinteiro.

Para mellorar a recirculación da auga, eliminaranse as numerosas toberás de fin de tramo na Ribeira, conectando todas elas entre sí para a mellor recirculación da auga. Para mellorar o funcionamento das depuradoras, nas zonas onde se leve a cabo a renovación, deberase dispor tamén de canalizacións separativas de pluviais e fecais. Por último, acometerase unha obra para que en caso de quedar sen abastecemento da auga que ven de Ponteceso, Corme Porto poida servirse de forma auxiliar do depósito das Forcadas. Cantas outras actuacións considere o proxecto técnico correspondente.

Terceira.- Nun prazo de seis meses teranse os pregos de cláusulas administrativas e prescricións técnicas precisos para licitar o servizo de xestión integral do ciclo da auga, que permitirán adjudicar o servizo de subministro de auga, saneamento e depuradoras, a unha soa empresa o que indudablemente mellorará a xestión do servizo.

5. DEPURACIÓN DE RESPONSABILIDADES

Para a resolución do problema cómpre ter a documentación técnica completa pola parte da concesionaria, que inclúa histórico de analíticas comunicadas a Sanidade e ao Concello e as obrigas que recolle a lei e o contrato coa concesionaria.

Unha vez que o concello dispoña da auditoría encargada á empresa APPLUS estudarase a acción que legalmente corresponda contra a última responsable do acontecido.

Cómpre ter os informes de Uriker e Applus, a memoria valorada de actuacións urxentes por Ogpo, a memoria valorada para a encomenda de xestión, e rematar co proceso de actualización dos pregos para licitar o servizo.

**CONCELLO DE PONTECESO**Rúa Concello, 18
15110 Ponteceso (A Coruña)

Só queda dirixirnos á poboación como sofridora da situación para manifestar o apoio que sempre tivo do Goberno Local co seu alcalde ao fronte, e o compromiso de solucionar de xeito inmediato o problema, para que non se poida repetir o mesmo.

O Sr. Alcalde da conta da solicitude presentada polos concelleiros dos Grupos Municipales do PP e APIN para a convocatoria dun pleno extraordinario ao abeiro do disposto no artigo 78.2 do ROF, debéndose convocar ou denegar antes do cuarto día hábil, e que remata hoxe, igualmente infórmase que a súa celebración, no seu caso, terá que ser no prazo de quince días hábiles a contar desde o seguinte ao da súa solicitude. Así a convocatoria deberíase realizar hoxe e o prazo para a súa celebración remataría o día 23 de outubro. Os asuntos que inclúen na orde do día son meras preguntas sobre a alerta sanitaria en Corme, sen memoria xustificativa, sen proposta e sen contido, podendo presentar as mesmas no último pleno ordinario, que é o encargado da fiscalización do goberno municipal, pero non fixeron así, sí o PP presentou oralmente tres preguntas, relacionadas con Corme, ás cales se lles dará resposta no vindeiro pleno ordinario, pero non o grupo de APIN, o cal presentou previamente tres preguntas no rexistro municipal e cando se iba a dar conta das respostas decidiu retirar as mesmas.

Os Sres. Concelleiros debaten o asunto e manifestan a súa vontade que se convoque, e o Pleno decida sobre a inclusión na orde do día dos asuntos que constan na solicitude de convocatoria, se ben e convinte agardar a ter as conclusións finais relacionadas anteriormente e as memorias valoradas dos traballos a realizar e tamén a proposta en relación á posibilidade da encomenda de xestión a favor da Deputación da Coruña para a realización das obras de renovación da rede de subministro, por todo ilo a Xunta de Goberno propón á Alcaldía a celebración do Pleno o día 23 de outubro ás 9 da mañá.

O Sr. Alcalde pregunta aos concelleiros/as presentes se desexan someter á Xunta de Goberno Local algún asunto que non teña cabida no seguinte punto de Rogos e Preguntas, manifestando os presentes que non teñen ningún, polo que pásase a tratar o seguinte punto.

7. ROGOS E PREGUNTAS

Non se presentaron rogos e preguntas.

Non tendo máis asuntos que tratar, a Presidencia remata a sesión ás trece horas e corenta e cinco minutos do día sinalado no encabezamento, redactándose a presente acta, do que como secretario accidental dou fe, asinandoa xunto co alcalde en funcións.

O Alcalde

O secretario acctal.

Asdo.: Xosé Lois García Carballido

Asdo.: Emilio Caínzos Quintás